

**FRANC. ERN.
BRUCKMANNI, MED.
DOCT. ACAD. CÆSAR.
NAT. CUR. ET SOC.
REG. PRUSS. SCIENT...**

Franz Ernst Bruckmann

FRANCISCI ERNESTI BRVCKMANNI;
 PHIL. ET MED. DOCT.
 EPISTOLA ITINERARIA LXXVI.

SISTENS

MEMORABILIA
 NEOSOLIENSIA

IN

HVNGARIA.

AD

VIRVM ILLYSTREM AC GENEROSVM
 DOMINVM,

DOMINVM

JOH. JAC. DE LVEDECKE,

SERENISSIMI AC CELSISSIMI BRVNSVICENS. ET LV-
 NEBVRGENS. DVCIS CONSILIARIVM STATUS
 DIGNISSIMVM,

DOMINVM HÆREDITARIVM IN HOHENTHVRN

AC KLEINEN SICKTE &c.

PATRONVM SVVM MAGNVM DEVOTO CVLTIV VENERANDVM.

WOLFFENBVTTELÆ, MDCCXXXVIII.



GENEROSISSIME DOMINE!

Ex urbe Cremnicensi die 27. April. 1724. cum Prænobil. Dom. Schindlero per montem trium milliarium, tota enim via est unicus tantum mons altus, saltuosus & petrosus, *Neosolium* seu *Novum solium*, *Neusohl*, curru partim, partim & equo vectus. Oppidum est pulchrum, juxta ac inter reliquas Hungariæ inferioris urbes metallicas optimum; situm habet in plano; divitibus cupri venis, quæ unico tantum milliari ab oppido in *Valle Dominorum*, *Herregrund*, quæ tota ad Imperat. Romanorum & Regem Hungar. pertinet, & *valle judicis*, *Richtergrund*, quam socii, *Waldburger* & *Gewercken* dicti, colunt, existunt, abundat; ambæ præstantissimos redditus seu pecunias ex metallo, Venereo redeunt, *Ausbeuthe*, largiuntur. Duo urbs habet flumina, Granum nempe & parvum amnem, *Bisritz* vocatum, ex quo olim oppidum *Bisritz* vel *Bisritz-Bania*, i. e. metallifodina *Bistricensis* appellatum fuit; *Bania* enim

VOX

vox Hungarica est, notans metallifodinam. Hospitale mihi fuit cubiculum apud Dom. Moderi, civem humanissimum; convivio ac apparatus epulis quoque exceptus fui a Dom. de Neßzeru, summo Cameræ Imperialis quæstore, **Käyserlicher Cammer-Ober-Einnehmer**, viro ad omnem humanitatem facto, qui me singulari complexus est, sibi quæ æternum devinxit benevolentia; vinum omnium optimum, **Ausbruch** dictum, oleosum quasi & spirituosum, de quo merito dici potuisset notum illud est, est, est! liberaliter propinabatur. Nec non a lib. Barone de Schmie-deck, Dom. de Hirschberg, giudice metallico, Dom. Michaelides, verbi divini ecclesiæ Sloavicæ ministro, pharmacopœo Heinrichs, Dom. Stephano Merwaldt, mercatore Stertz, Dom. Sexti, Dom. Koronzay, qui egregiam rariorum & divitum minerarum metallicarum ac mineralium collectionem possidet; Dom. Knochler, Medic. studioso, quocum die 29, April. acervos, **Rupffer-Rösten**, in quibus cupri minere ante urbem ustulantur, furnos fusorios & excoctorios, **Schmelz-Ofen**, reliquaque ad artem fusoriam & docimasticam metallicam pertinentia, porro acidulas istas binas non procul ab urbe, jucundissimi saporis, quas cum fortibus vinis Miscoctzenisibus, quæ hic multum bibuntur, ad temperandos spiritus ac vini vires infringendas miscere solent, collustravi.

Dies primus Maji serenus & jucundissimus, quo in *Vallem dominorum*, 1. mill. Neofolio, oppidulum sine muris profectus, ad memoriam mihi versum de Majo sequentem:

Der liebliche Mayen bringe lauter Erfreuen,
Bey Menschen und Vieh sich die Kräfte verneuen,
Gebrauche dich jezund der fröhlichen Zeit,
Doch denke, die Sommer-Hitz seye nicht weis.

X 2

duxit.

duxit. Hic loci celebratissimæ cuprifodinæ Neosolienses lustrandæ. In itinere ad viam rivum non magnum ex monte decurrentem, cujus aqua muscum, gramina, folia &c. topho incrustat, & tandem ferme in lapides mutat, observavi. Prandio apud virum probum & benevolum, Dom. Deadda, magistrum fodinarum, *Berg-Meister*, hic usus, cum quo & partim per puteum, partim per cuniculum, usque omnem æris fodinarum sat profundarum angulum, non sine corporis summa lassitudine, vestimentisque in itinere subterraneo luto pingui ac molli adpersis, perreptavi.

Tota *Vallis dominorum* olim sociis, *Waldburgern*, a quibus denominationem, cum tantum domini fodinas in ista coluerint, accepit; hi vero, cum belli temporibus fodinas deseruerint, Cæsarei derelictas iterum curare & recolorere ceperunt, propria fuit. In hac valle cuprifodinæ labore & arte singulari ab aliquot centenis operis excoluntur. Æris fodinam per cuniculum ingressus ad 70. orgyjas, Lachter, inveni aquam cæmentitiam. Adest parva camera obserata, in qua hæc aqua Vitriolica scaturit, ac collecta ad certum tempus servatur. In hac aqua aliquot centumpondia baculorum ferreorum, in quorum loco post aliquot menses cuprum optimum inveniendum, posita sunt. Alias ferri transmutatio in cuprum tantum unius mensis tempus requirebat, pronunc vero, postquam sylvestris scaturigo, *wilde Quelle*, cum hac aqua, ramentis cupri imprægnata, se nimium quantum commiscuerit, spatium aliquot mensium ad transformationem opus est. Verbum commutandi, transmutandi cum promiscue usurpamus, non recte neque, ut ipsa rei natura postulat, sed ex usu potius, & consuetudine vulgi nos loqui, fateamur. De ferri in cuprum conversione ferrum nempe in aqua Vitriolica coctum, paulatim corroditur & cuprum in Vitriolo latens attrahit, sicque creditur conversum, licet nulla facta fuerit trans-

mu-

mutatio. De cupro cementato, Cement. Kupper, vid. Hübneri Lex. Natur. & Art. p. m. 415. Edward. Browns Reisen pag. 188. 189. 190. Petri Borelli Cent. III. Observ. LXXV. pag. 255. ferrum in æs commutare docet Weckerus L. de Secretis pag. 384.

Cum aliquot orgyjas adhuc profundius contendissem, inveni Vitriolum nativum cœruleum, viride & album, quod ultimum a duobus prioribus differt, dum in modum filamentorum subtilissimorum splendentium, quasi argenteorum, ex faxis montis metallicis eleganter efflorescit. Dom. Andr. Hermannus, Med. Doct. antehac physicus ordinarius inelyti Comitatus Neogradensis, pronunc personæ Cardinalis Eminentiss. Czaki, ejusdemque aulae medicus, Vitriolum hoc experimentis chymicis sedulo examinavit, & sal quoddam ex eo paravit, quod sali Anglicano d' Epsom virtutibus & effectu in medicina æquipollet, puritate autem ac crystallulorum nitore isti multo præferendum. Descriptionem istius sub titulo: Dissert. epistol. de nativo sale cathartico in fodinis Hungariæ recens invento. 45. Posonii 1721. typis edidit. Olim hoc Vitriolum nullum habuit usum, cum faxis æris expertibus rejectum, in præsentem vero in officina Neosoliensi Dom. Doct. Molleri, item apud supra laudatum Dom. Knochler; porro Schemnicii apud pharmacopœum Dom. Lezium, quibuscumque modis & arcanis, hoc sal purgans ex Vitriolo laudato albo parandi a nominato præcellenti chymico & archiatro, Dom. Hermannno, communicatum, in stupenda coquitur quantitate & ad centumpondia Viennam Austriæ inque alia transportatur loca; libra pro XX. gross. Cæsar. venditur. Vitriolum viride & cœruleum metallici non æstimant, interdum vero chymicæ secretiori addicti nec non alchymici quidam ista petunt salia, dum plures philosophi per ignem Universale ab istis dictum in Vitriolo nativo

Hungarico quærun, quorum quidam mihi ipsi noti sunt, vocant istud minerale Lacertam rubram.

Mineræ præcipuæ hujus fodinæ sunt 1. minera æris flava, *Gelb* vel *gelb Kupffer*, *Erz*, quæ simul aurum continere dicitur. 2. Minera cupri nigra, *Schwarz Kupffer*, *Erz*, quæ Luna imprægnata perhibetur. 3. Minera æris iricolor, *Pfaunschwaffiges Silber*, *Erz*, caudæ pavonis pennarum elegantes & varios exhibens colores, omnium rarissima. Modum aurum & argentum ex mineris laudatis separandi metallici & examinatores hic non callent. Fodina feliciter superata, de die super terram modum parandi chrysocolam, *das grün, farben, Wesen*, inspexi. Coloratas aquas todinæ vallis dominorum exhibent, ex quibus minerale quoddam clare-viride, pigmenti genus, in alveis ac cadis ligneis, ad id factis, subsidens extrahitur. Chrysocola dicta quasi gluten auri, *Goldleim*. Ex cuniculo quodam aqua clara profluit, quæ per varios ligneos canales in magna quadrata vasa lignea, ex asseribus compacta, currit, terramque viridem deponit, & ex se sponte præcipitat, quæ chrysocola nativa, viride montanum, *Berg, Secin*, vel *Schieffer*, *Grün* audit, pictoribus ad colores in usu, ac tantum in prædixitibus æris venis observanda; proprie est crocus Veneris natus, cum viride æris, *Grünspan* appellatum, sit crocus Veneris artefactus. Hungari putant, hoc viride nullibi locorum, nisi tantum in Hungaria, inveniendum; certe forsân nullibi in tanta copia, quam in hoc regno, prostat? Interim istum viridem colorem in varils nostri musei metallici mineris monstrare possum; Dom. Kundmannus quoque in Promptuar. rerum natural. pag. 279. chrysocolam nativam Schwattzenbergensem adduxit. conf. Ulyss. Aldrovandi Mus. metall. L. III, pag. 348.

Quando

Quando bona chryfocollæ quantitas in diſtis ciſtis ad certam craſſitiem circumdata, aqua detracta, purgantur ab iſta chryfocolla, quo factò color viridis ſiccatur, & in tres ſpecies ſeparatur. Prima ſpecies vulgaris eſt, offenditur in ciſta, in quam aqua ex cuniculo profluens primo cadit; ſpecies media in ſequenti ciſta colligitur, & tertia, quæ omnium ſiniſſima ac tenuiſſima, ſumitur ex ciſta, in quam aqua ultimo fluit. Prima ciſta parum altius ſtat ſecunda, & ſecunda parum altius tertia, ſicque aqua ex prima in ſecundam, ex ſecunda in tertiam itentidem cadit; quando vero aqua omnes tres ciſtas ſuperavit, rivum quendam parvum de monte decurrentem conſtituit ac cum aliis aquis ſylveſtribus ſe miſcet. Priores duæ chryfocollæ ſpecies ſunt tertia craſſiores & interdum arenulis mixtæ, cum ultima & tertia e contra admodum tenuis, pura & ſina ſit, in pulverem tenuiſſimum pro pictoribus & fabris aurariis in marmore comminuenda; magnam quotannis iſtius copiam in alias divendunt regiones. Bauſchius peculiam rem de Chryfocolla tractatum in forma 8v. edidit; conſ. etiam Hübneri Lex. Nat. & Art. p. m. 248. 442.

Vallis dominorum omnium in tota Europa metallifodinarum maxima & ſpatioſiſſima laudatur, per aliquot milliaria, ut nobis relatum, in iſta ſub terra iter poteſt fieri. In præſenti quotannis 4000. æris centumpondia, centumpondium pro 54. florenis, ac 20. uſque 24. centumpondia cupri cæmentati, largitur. Vallem judicum non frequentavi, cum parum vel nihil, quod ad mineras, chryſocollam, ædiſciorum montanorum & machinarum ſtructuram, furnos & officinas excoctorias, ab iſtis, quæ ſunt in valle dominorum, niſi ſaltem, quod ibi omnia minori in parte obſerventur, diſſet. De fodinis Neſſol. vid. Hapeltii Relat. Curioſ. P. I. pag. 702. Iac. Tollius Epift. Itinerar. V. p. 186. &c. &c.

Neo:

Neosolii proverbium habent: Neosoliumcupreis, Schemnicium argenteis & Cremnicium aureis circumdatum est muris: ortum duxit ex magnis hic inveniendis scoriarum cumulis. Cum nempe in his locis veteres, qui minerarum tractationem non recte calluerunt, magnam ex dictis metallis copiam in scoriiis, ex incitia bene mineras tractandi, adhuc reliquerint, & cum istis projecerint. Pronunc de novo hæ ex cumulis abjectis quærentur & separantur scoriz, iterumque, non sine peculiari fructu, metalla ex iis igne & flammis excoquantur.

Singulæ æris mineræ multum veneni arsenicalis secum habent, hinc in oppido Neosolienſi insalubriter vivendum, nec senes annosi hic observandi, nam arsenici fumus ex officinis excoctoriis ac ustrinis, *Süßen & Röhren*, non procul ab urbe sitis, aërem ambientem miasmatibus venenosis, quæ ex atmosphæra cum spiritu in pulmones & corpus continenter trahuntur, inficit; commodum autem simul dictus fumus affert, pestem enim ab urbe averruncat. Incolæ plures producunt observationes, fuerit licet tota vicinia ex contagio infecta, istud tamen vel nunquam vel rarissime urbem invasisse.

Omnes æris mineræ in igne ustulantur, ex quo processu metallico cuprum purissimum ac solidissimum sub forma lanæ vel pilorum crispiorum, ex minera flammarum vi efflorescentium, interdum exprimitur, quod visu admodum jucundum. fig. cirri hujus crispuli Venerei elegantiss. vid. in Magnal. Dei Tom. I, pag. 252. Tab. V. fig. VI.

Zeilerus pag. 185. mentionem quoque fodinarum, ex quibus Cinnabaris nativa & Mercurius extraheretur, fecit; hæ Neosolium inter & Cremnicium olim fuerunt, sed jam a 60. annis non amplius cultæ.

Mons auripigmenti, *des Aurpiment Berg*, unica tantum hora Neosolio videndus, ex quo adhuc ante an-

annum minera Auripigmenti effossa, nec non Auripigmentum ex ista extractum juxta ac ab arenis, lapidibus, calculis & reliquis adherentibus terris impuris purgatum fuit. Hic labor autem sociis, *Waldburgeris*, mandato Cameræ Imperialis & Regiæ inhibitus, nec præterea istius distractio peculiaris & magna fuit. Non procul ab hoc monte & sulphur nativum rubrum inventum, quod igne depuratum sulphur dat pellucidissimum ac coccineum: Auripigmentum flavo est colore, aurum imitante, & nascitur alias in fodinis prope aurum, estque signum auri in fodinis, ubi in crustas concrevit; sed aurum hic non proficit, nec unquam inventum; est enim quoddam velut auri excrementum, de quo vero valde dubito; halitus enim crudi & feculentiores, dum satis depurari non possint, ut idoneam auro materiam præstent, degenerant in auripigmentum. Me judice, Auripigmentum nihil, præter colorem flavum & pulchrum, cum auro commune habet. Cur Auripigmentum sit flavum? Resp. quia ex eadem materia, ex qua est aurum, constat, licet non ita depurata. Præterea est minerale venenosum, quia inpr. adurit ob mixtionem salium corrosivorum ignea vi pollentium, tum vero, quia corrodit ob Vitriolum & salem Ammoniacum, quod ultimum sal nunquam in eo invenitur!

Ad urbem Neosol, in antro quodam terra sigillanda brunna, veneno resisters, adusta in igne colorem rubrum induens, fodienda; vasa pro potu sol. Thæ ex ista confecta nobiscum ex Hung. attuli.

Sequuntur mineræ Neosolii a me collectæ: 1. Vitriolum nativ. luteum, auriferum seu solare, ex fodinis Vallis Dominorum. 2. Vit. nat. coerul. optimos cæli cyanei colores exhibens. 3. Terra sigillanda. 4. Vas pro infuso Thæ rubrum ex ea coctum. 5. Cuprum cæmentatum,

)(X

tum, **Ciment: Zupffer**, seu cuprum Neofolanum ex ferro factum, sub figura cordis, solex equinae, crucis &c. conf. Epist. lūnerar. XL. fig. IV. V. VI. 6. Bractea crassa ex eo cupro, quod optimum est, ac splendentem admittens deaurationem, culum. 7. Binæ minerae Auripigmenti species. 8. Auripigmentum ex istis paratum, quod nihil aliud est, quam Arsenici lutei species. vid. Valentini Mus. Museor. pag. 38. 9. Sulphur nativum rubrum ex monte Auripigmenti, quod est Arsenicum rubrum nativum seu Sandaracha. vid. Ibid. pag. 38. 10. Optima, media & vilior chrysocolle species ex Vall. Dominor. vid. Ibid. pag. 7. 77. 11. Cuprum crinitum, **Haar: Zupffer**, inter utulandum ex sic dictis lapidibus cupreis, **Zupffer: Stetten**, ex quibus vis ignis fortior cuprum purum sub forma pilorum expellit, efflorescens. 12. Minera æris nigra seu ferrei coloris, argentum, quod vero non separatur, continens. 13. Minera cupri versicolor, **Pfauschweiff** vocata, iridis cœlestis colores exhibens, in qua perpulchri colores, arcus instar in nubibus apparentis, admodum nitide splendentes mirantur. 14. Minera æris flava, **Gelff** nominata; cupro admodum dives, parum auri, quod vero cum fructu separate nesciunt, continens. 15. Minera æris flava cum minera cupri nigra mixta. 16. Minera polita & splendens, **Spiegel: Ablassung** vocata; est minera æris lævis, instar speculi, a natura polita, ex Vall. Dom. 17. Lac montis, **Berg: Milch**, ex eadem Vall. est minerale lapideum, lactis instar, album, cum stalaçite vel floribus Martis conveniens. 18. Glacies Mariæ pelucida & scissilis, **Jungfern: Glas**, in mineris æris interdum obvia. 19. Arena æris, **Zupffer: Sand**, constans ex globulis minutissimis cupri puri & solidi, arenam referentibus; hi ad furnos, quando cuprum suum reddunt, ex igne profluentes excipiuntur.

Therma Ribarienses, das Ribarer Bad, duabus horis Neosolio distant, sunt tepida, & igne calefacta; usurpantur. Non procul ab his aqua monstratur, in quam aves, istam transvolantes, cadunt & moriuntur; causa in fortes & copiosas exhalationes sulphureas, spiritum præripientes, rejicienda. Interdum & vaccæ, quando aquam maledictam bibere voluerint, suffocata & extincta in hunc avernum collapsæ. conf. Agricola de re metall. pag. 559. Aquas lethiferas; vulgo creditas, complures numeramus, quales charonea illa scrobs ad vicum *Ribár* in Comitatu Zolienfi, eructat. In tractu Neapolitano, haud procul a sinu Lucrino, lacus Avernus reperitur, ex quo adeo lethalis sotor exhalare dicitur, ut aves omnes supra evolantes mortuæ decidere cogantur, unde etiam Avernus, Græce *αἶψος*, h. e. avibus carens, vocatur. In medio insulæ Islandicæ prostat fons vel lacus venenosus, vapores pestilentes foetidos exhalans, ita ut aves per halitus tantum volantes mortuæ in terram cadant; guttula hujus aquæ gustata necem asserre perhibetur. conf. Paullini *Zeitf. für Gräb. u. Lust* Part. II. pag. 44. Urbs monasterium Patrum Societ. Jesu habet.

Neosolium maximam totius Hungariæ campanam, ad 280 centumpond. 2. Maxima organa pneumatica musica. 3. Optimam cerevisiam a mente Martio dictam & 4. cerevisiam vulgarem & ordinariam, vilissimo parabilem pretio, in tota Hungaria habet, nam XII. semimensuræ pro grosso cæsareo, quæ ad mensuram Saxonicam quadrantal vel sex congios, *Stübchen*, faciunt, venduntur. Cerevisia hujus loci peculiarem habet proprietatem, nam ex ista ebrii nunquam antrosum, sed semper retrorsum, cadunt. Cerevisia Martialis est admodum crassa, pinguis, fortis ac spirituosus; facile caput ascendit, ebriosque red-

die; quæ vetusta est fortissima, ad Mûsiam Brûnsvicen-
sem accedens. Coquitur ordinarie Mens. Decembr. & bi-
bitur demum mens. Majo & Junio. Cerevisia pro potu or-
dinario est brunna, ex hordeo & lupulo cocta; hanc
medici inquilini insanam deprædicant, & potius vinum ad
bibendum laudant. Poliatri hujus oppidi sunt Carol. Ott.
Moller, M. D. qui felicissimus & diutissimus practicus in
Hungar. celebratur, inclutorum Comitatum Zolienfis &
Turoczienfis physicus; observationes peculiâres curarum
medicarum per Essent. dulcem, 8v. Hala 1706. edidit;
nec non supra laudatus Dom. Knoehler. Tres officinæ
pharmaceuticæ ad Evangelicos, & una ad Romano-Ca-
thol. pertinentes adsunt. Moneta quædam cuprea pro me-
tallissessoribus, cum signo mallei & tûditis, hic signatur,
sed nullibi, nisi tantum in Comitatu Neosolienfi, valo-
rem habet. Reliquum: *Tu, Vir Illustr. ac Generosiss.*
cum lectissima conjuge & Prænobiliss. familia vive diu, &
me ama semper *Tibi* addictissimum. Wolfenb. die
19. Decembr. 1738.



